

# Faatonuga mo le Saunia o le Talafaasolopito Faaletausaga o le Siteki, Itu, Uarota, po o le Paranesi

---

## Faamoemoega

O le saunia ma le auina atu o se talafaasolopito faaletausaga e fesoasoani e faataunuu ai le fetalaiga a le Alii: “Ia faaauau pea e ia ona tusitusi ma faia se talafaasolopito o mea taua uma . . . e uiga i la’u ekalesia. . . . O lenei foi, e tatau i a’u auauauna o e o loo i fafo i le lalolagi ona auina atu tala o a latou matafaioi” (MF&F 69:3, 5).

## Vaai Lautele

O le tuufaatasia o le talafaasolopito faaletausaga e tatau ona amata ia lanuani ma faaauau ai lava i le tausaga atoa. E tatau i uarota uma ona fatuina sana lava talafaasolopito ma auina atu i le siteki. O le a tuufaatasia e le siteki ia saofaga a uarota faatasi ai ma lana lava talafaasolopito ma auina atu ai o se talafaasolopito faaletausaga e tasi i le Ekalesia. O paranesi ma itu e mulimuli foi i le mamana lava lenei e tasi.

E amata e taitai perisitua i le tuuina atu o le tiutetauave mo le tuufaatasia o le talafaasolopito i le failautusi o le uarota po o le siteki, se failautusi fesoasoani, po o se tagata faapitoa mo talafaasolopito e galue i lalo o le taitaiga a le failautusi. O le tagata na tofia e tatau ona aoina mai faamatalaga i le aluga o le tausaga ma e tatau ona valaaulia isi e saofaga atu i tala ma faamatalaga.

## O Mea e Aofia Ai

E lua vaega e filifili mai ai mo le tuufaatasia o le talafaasolopito faaletausaga: o mea taua po o mea uma. O le taitai perisitua, i le iloiloaina o tulaga o lana iunite o le Ekalesia, o le a fuafuaina po o lē fea filifiliga e mulimuli ai.

O se talafaasolopito faaletausaga o mea taua e tatau ona i ai:

1. Se itulau faavaa.
2. Se faamatalaga puupuu e faamatala ai mea taua na tutupu i le tausaga ma atinaega. Ia aofia ai tala faatupu-faatuata.
3. Kalena a le iunite.
4. Fomu mo le Lagolagoaina o Tofiga na faalauina i konafesi a le uarota ma le siteki.

E faaopoopo atu i aitema e fa o loo i luga, o se talafaasolopito o mea uma e i ai:

5. Lipoti mai taitai perisitua ma ausilali ua ootoo ai a latou taumafaiga e fesoasoani i tagata taitoa-tasi ma aiga ia agavaa mo le faaeaga. Mo se faataitaiga, e faailoa atu e se epikopo ni nai sini mo le uarota i le amataga o le tausaga ona valaaulia lea o le aufono a le uarota e saofaga atu i ni tala ma ni ata pue e tuuina atu ai faamatalaga i auala na galulue ai faalapotopotoga taitasi e ausia nei sini.
6. Faamaumauga taua na fatuina e le iunite pe faatatau foi i le iunite, e pei o:
  - Ata pue e manino ona faailoa ma tusi ai aso.
  - Tusi o talafou o mea e tutupu.
  - Polokalama ma lomiga faapitoa.
  - Kopi o tusiga e 'oti mai nusipepa (ia aofia ai faamatalaga o le a faailoa ai le nusipepa ma le aso na lolomiina ai).

Ia manatua o faamatalaga e le faalauaitelaina pe e le faalauiloaina e le tatau ona aofia ai i le talafaasolopito faaletausaga.

## Auina atu

O talafaasolopito a uarota ma paranesi e tatau ona oo atu i le siteki i le aso 1 o Mati. O talafaasolopito a siteki ma itu e tatau ona oo atu i le Matagaluga o Talafaasolopito o le Ekalesia po o le ofisa o le pulega ua atofaina i le aso 31 o Mati. O kopi o le talafaasolopito e mafai ona teuina i le lotoifale.

O siteki ma itu i le lunaite Setete ma Kanata e tatau ona lafo atu le uluai lomiga o le talafaasolopito faaletausaga i le:

MATAGALUGA O TALAFAASOLOPITO  
A LE EKALLESIA  
TALAFAASOLOPITO FAALETAUSAGA  
15 EAST NORTH TEMPLE STREET  
SALT LAKE CITY, UT 84150-1600

O iunite i fafo atu o le lunaite Setete ma Kanata e tatau ona lafo atu a latou talafaasolopito i le ofisa o le pulega ua atofaina.

Mo faamatalaga faaopoopo, itulau faavaa, ma mamana taiala, tagai i le *Church History Guides: Stake, District, and Mission Annual Histories* pe asiasi i le [lds.org/annualhistories](http://lds.org/annualhistories).